

Data: nëntor 2022

Për: Komunën e Rahovecit

Nëpërmjet: Kryetarit të Komunës
Kryesuesit/es të Komunës
Drejtorit/eshës për Buxhet dhe Financa

Lënda: Rekomandime për avancimin e praktikave të organizimit të dëgjimeve buxhetore

I/e nderuar,

Na lejoni që fillimisht të ju falënderojmë për bashkëpunimin dhe përkrahjen e vazhdueshme të ofruar nga Ju dhe stafi i juaj në procesin e monitorimit dhe vlerësimit të indikatorëve matës të transparencës komunale!

Siç jeni të njoftuar, Instituti Demokratik i Kosovës (KDI), në bashkëpunim me konsorciumin e OJQ-ve "Aleanca Qytetare për Transparencë" i përbërë nga nëntë organizata lokale partnere: OJQ Mundësia, OJQ Fortesa, Iniciativa Qytetar Skenderaj (IQS), Forumi i Organizatave Jo-qeveritare Kaçanik (FOJK), Shoqata e Intelektualëve të Pavarur (SHIP), SHL-Kosova, Rrjeti i OJQ-ve AVONET, Initiative for Social Education – ISEP si dhe OJQ SOFRA, në kuadër të projektit "Transparenca Komunale" e përkrahur nga Olof Palme International Center (OPIC), ka publikuar raportin "Praktikat e organizimit të dëgjimeve buxhetore në vitin 2022 për nëntë (9) komunat e Republikës së Kosovës" (<https://kdi-kosova.org/publikimet/praktikat-e-organizimit-te-degjimeve-buxhetore-ne-vitin-2022-per-nente-9-komunat-e-republikes-se-kosoves/>).

Përveç dy takimeve publike, komuna obligohet të mbajë edhe takime tjera konsultative në kuadër të lagjeve, vendbanimeve dhe lokacioneve tjera për çështje që lidhen me buxhetin e komunës, projektet e komunës, zhvillimin ekonomik lokal etj.¹ Po ashtu UA 06/2018 i obligon komunat/ekzekutivin e komunës të ofroj konsultimin publik edhe për projekt-buxhetin e komunës si dhe për Kornizën Afatmesme Buxhetore për 3 vitet e ardhshme (KAB)².

Hulumtimi i ynë ka dhënë një pasqyrë më të gjerë në lidhje me gatishmërinë e komunave në respektimin e legjislacionit lidhur me organizimin e dëgjimeve buxhetore gjatë vitit 2022, formën dhe mënyrën e organizimit të dëgjimeve buxhetore në nëntë komuna të Republikës së Kosovës (Prishtinë, Prizren, Mitrovicë e Jugut, Ferizaj, Skenderaj, Deçan, Kaçanik, Kamenicë dhe Rahovec) duke përfshirë: numrin e përgjithshëm të mbajtjes së dëgjimeve buxhetore, kërkesat dhe natyrën e kërkesave të dhëna nga qytetarët në kuadër të dëgjimeve buxhetore, forma dhe mënyra e përfshirjes së kuvendit të komunës në organizimin e dëgjimeve buxhetore, numri i pjesëmarrësve në dëgjimet buxhetore (disagreguar në baza gjinore), përpilimi dhe publikimi i raporteve nga

¹ Neni 11 i UA Nr.03/2020 për transparencë në komune, <https://gzk.rks-gov.net/ActDetail.aspx?ActID=31852>

² Shih nenin 6 paragrafi 1.2 dhe 1.3 i Udhëzimit Administrativ (MAPL) Nr. 06/2018 për standardet minimale të konsultimit publik në komuna, <https://gzk.rks-gov.net/ActDetail.aspx?ActID=18425>

dëgjimet buxhetore, qasja e komunave në përfshirjen e grupeve të cënueshme në planifikimin e buxhetit komunal

Bazuar në hulumtimin tonë rekomandojmë Komunën e Rahovecit që:

- Ekzekutivi i komunës së Rahovecit, duhet të praktikojë dërgimin e Raportit nga organizmi i dëgjimeve buxhetore si pjesë e materialit mbështetës për pikën e rendit të ditës për projekt buxhetin e komunës.
- Anëtarët e kuvendit të komunës së Rahovecit, duhet të angazhohen më shumë në nxitjen dhe mobilizimin e qytetarëve për të marrë pjesë në organizimet e dëgjimeve buxhetore nga ekzekutivi i komunës. Ky angazhim, në njërin anë do të sigurojë një proces transparent të organizimit të dëgjimeve buxhetore dhe në anën tjetër kuvendi do të sigurojë llogaridhënie më të madhe nga ekzekutivi sa i përket kërkesave të qytetarëve të dhëna gjatë dëgjimeve buxhetore.
- Ekzekutivi i komunës të dërgoj raportin e dëgjimeve buxhetore tek kuvendi i komunës. Gjatë procesit të monitorimit të organizmit të dëgjimeve buxhetore, edhe komuna juaj është në mesin e shtatë (7) komunave të cilat nuk e kanë dërguar raportin e konsultimit publik (dëgjimit buxhetor) tek kuvendi i komunës.

Nëse keni pyetje, ju lutem mos hezitoni të na kontaktoni.

Me respekt,

Elmedina Dorambari - Hulumtuuese e Projektit

Kosova Democratic Institute - KDI

www.kdi-kosova.org

Contact numbers:

personal: +383 (0) 44 39 21 60

Work: +383 (0) 29 222 636

